



COMUNU DE DOMUS DE MARIA

Progetu finantziau cun su dinai de sa Regione Autònoma de Sardigna cunforma a sa L. 482/99 e a sa L.R. 22/2018.

LOGUS AMPARAUS E BISIONIS ABERTAS

Primu Forum Regionali de is Àreas Marinas Amparadas

Su 29 de maju 2025, anca est su Parcu de Tepilora, in Torpè-Posada, ant fatu su Primu Forum Regionali de is Àreas Marinas Amparadas de Sardìnnia.

Eventu bellu e spantosu ca at postu paris spertus, istitutzionis e portadoris de interessu po arrexonai de comentis a fai arretza profetosa e utilosa de àreas amparadas de Sardìnnia, siat po is Regionalis ca is Natzionali.

Sa Dotora Spada Maria Concetta sìnica de su comunu de Domus de Maria e Presidenti de s'Àrea Marina Amparada “Capo Spartivento”, at pigau parti a su forum cunfrontendi-sì cun is prus spertus mannus de su setori, Regionalis e Natzionali.

Is àreas amparadas funt de importu no sceti po allogai sa biodiversidadi, ma est fintzas ocasioni po su sviluppu econòmicu sustenìbili, ca portat richesa e prosperidadi.

Sa Sardìnnia, sa costa de Chia cun is miradas de spantu e sa bellesa de sa natura, est unu modellu de sviluppu e turismu sustenìbili, punna de s'Amministratzioni Comunali de sèmpiri, chi s'amparu de sa natura currit a manu tenta cun su benèssiri de sa comunidadi de su logu e s'amànniu econòmicu.

Funt tretus difficilis e stentusus ma cun gana e fortza s'Amministratzioni Comunali at a sighiri.